

DONNE TROIS TALAAQ ENE SEUL COUP

Quand kikene donne trois talaq ene seul coup, li compte trois talaq même. Sa même kitchose ki tous banne Sahaaba (r.a) fine comprend. Sa même kitchose ki Hazrat `Oumar (r.a) fine comprend. Sa même verdict et fatwa Hazrat `Abdoullah Bin `Abbaas (r.a) fine donné. Sa même kitchose tous les 4 Imaam (a.r) fine comprend. Si nou dire 3 talaq compte ene seule talaq, sa veut dire ki Hazrat `Oumar (r.a) pas fine comprend Qur'aan et Hadice. Sa veut dire ki Hazrat `Abdoullah Bin `Abbaas (r.a) pas fine comprend Qur'aan et Hadice. Sa veut dire ki tous les 4 Imaam (a.r) pas fine comprend Qur'aan et Hadice.

Ena impé là! Sa banne-là pas fine comprend Qur'aan et Hadice mais ene zenfant hier ki peut-être pas conne coumanière respect so Oustaad déclare comprend sa pli bien. Après vine dire ki na perna `Alim à Maurice.

Tout sala c'est banne prétexte pour dévié banne dimoune du droit chemin. **Sa parole ki pas suive aukene mazhab c'est ene mazhab en li même.** Li pas ene l'ordre Allah Ta'ala. Li pas ene l'ordre Rasouloullah (s.a.w). Rasouloulla (s.a.w) fine dire " attrape, fermement le principe de banne Khoulafa-E-Rashideen. " Hazrat `Oumar (r.a) ti parmi banne Khoulafa-E-Rashideen. Li même fine comprend ki trois talaq à la fois compte 3 talaq même. Rasouloullah (s.a.w) ti faire ene doah spécial en faveur Hazrat `Abdoullah Bin `Abbaas (r.a) "O Allah Accorde li la connaissance de Kitaab (Qur'aan) et la sagesse".

Sa même Hazrat `Abdoullah Bin `Abbaas (r.a) ti fine comprend ki 3 talaq compte trois même. Hazrat `Oumar (r.a) ti ene `alim ou soit pas ti ene `alim? Hazrat `Abdoullah Bin `Abbaas (r.a) ti ene `alim ou soit pas ti ene `alim? Sa banne question-là banne ki ena respect pour 'ilm (connaissance) et `Oulama même pour capave repone bien. Quant à banne ki na perna adab et respect, li ene gaspillage pour pose zotte banne questions pareilles. Parole de Ishq c'est banne aashiq ki comprend!

CONTINUE VIVE ENSEMBLE APRES TROIS TALAAQ

Continué vive avec ene madame ki ou fine fini donne li trois talaq li pareil couma ene dimoune ki pé vive avec ene madame sans faire nikah. Vive avec ene madame sans faire nikah li haraam parceki na perna aucaine différence entre zina et vive dans sa façon-là. Donc continué vive avec ene madame ki ou fine fini donne li tous les trois talaq c'est vive dans zina. Ene dimoune coumsa so namaz, so roza, so hajj, so oumra, tout dans dilo parceki li pé vive 24 lors 24 dans haraam. Pas laisse ou gagne embetté par kikene ki dire ou trois talaq la compte ene sel talaq parceki sa kikene la pas conne Deen pli bien ki Hazrat 'Oumar ki dire quand kikene donne 3 talaq, c'est trois talaq - quand même li fine donne sa trois talaq-là ene sel coup.



Extrait de Al-JAMIAT , Vol 1 No 2
Organe de la JAMIAT-UL-ULAMA de MAURICE

Cnr. Penang & Sumatra Street, Port Louis, Mauritius

Tel: 240-0439/ <http://www.jamiat-ul-ulama.org>

Email: jamiat@intnet.mu / jamiathalal@myt.mu

